



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA VHUVHILI (P2)

2023

MARAGA: 70

TSHIFHINGA: Awara $2\frac{1}{2}$

Bammbiri ili li na masiatari a 22.

PFESESANI

1. Vhalani siatari heli nga vhuronwane ni sa athu u fhindula mbudziso.
2. Ni SONGO lingedza u vhala bammbiri lothe. Tolani Thebuļu ya Zwi re Ngomu kha siatari li tevhelaho ni swaye nomboro dzo disendekaho kha bugu dze na guda riwaha uno. Vhalani mbudziso idzo ni koneha u nanga dzine na tama u fhindula.
3. Bammbiri heli lo vhumbwa nga KHETHEKANYO NNA:

KHETHEKANYO YA A:	Nganea	(35)
KHETHEKANYO YA B:	Dirama	(35)
KHETHEKANYO YA C:	Nganeapfufhi	(35)
KHETHEKANYO YA D:	Vhurendi	(35)

4. Fhindulani MBUDZISO MBILI dzo fhelela u bva kha khethekanyo MBILI DZINWE na DZINWE.

KHETHEKANYO YA A: NGANEA
 Fhindulani mbudziso DZOTHE kha nganea ye na guda.

KHETHEKANYO YA B: DIRAMA
 Fhindulani mbudziso DZOTHE kha dirama ye na guda.

KHETHEKANYO YA C: NGANEAPFUFHI
 Fhindulani mbudziso DZOTHE kha nganeapfufhi dze na newa.

KHETHEKANYO YA D: VHURENDI
 Fhindulani mbudziso DZOTHE kha zwirendo zwe na newa.

5. Thomani khethekanyo INWE na INWE kha siatari LISWA.
6. Shumisani mutevhe wa u sedzulusa uri u ni thuse.
7. Tevhedzani ndaela dzo riwalwaho mathomoni a KHETHEKANYO INWE na INWE nga vhuronwane.
8. Nomborani phindulo dzanu kokotolo sa zwe mbudziso dza nomboriswa zwone kha bammbiri la mbudziso.
9. Ndangatshifhinga yo anganyiwaho: Shumisani minetse i re heneffa kha 75 kha KHETHEKANYO INWE na INWE.
10. Nwalani nga vhudele nahone zwi no vhonala.

ZWI RE NGOMU

Siatari ili li do thusa vhalingiwa kha u nanga mbudziso dzine vha todou dzi fhindula vha songo vhuya vha vhala bammbiri lothe.

KHETHEKANYO YA A: NGANEA

Fhindulani mbudziso DZOTHE kha nganea ye na guda.

NOMBORO YA MBUDZISO	MARAGA	SIATARI
1. <i>U tshila ndi u vhona</i>	35	5
2. <i>Ho dina one</i>	35	8

KHETHEKANYO YA B: DIRAMA

Fhindulani mbudziso DZOTHE kha dirama ye na guda.

3. <i>Findinkodo</i>	35	12
----------------------	----	----

KHETHEKANYO YA C: NGANEAPFUFHI

Fhindulani mbudziso DZOTHE kha nganeapfufhi dze na newa.

4.1 'Wo mu nonela'	17	16
NA		
4.2 'Ndi a putedza ha itea dembe'	18	17

KHETHEKANYO YA D: VHURENDI

Fhindulani mbudziso DZOTHE kha zwirendo zwe na newa.

5.1 'Mbingano'	18	19
NA		
5.2 'Sa musadzi'	17	21

MUTEVHE WA U SEDZULUSA

Itani luswayo kha khethekanyo dze na fhindula dzone.

KHETHEKANYO	MBUDZISO	MBUDZISO DZI TEAHO U FHINDULWA	LUSWAYO ✓
A: Nganea	1–2	2	
B: Dirama	3	2	
C: Nganeapfufhi	4.1–4.2	2	
D: Vhurendi	5.1–5.2	2	
PFESESANI: Ivhani na vhutanzi uri no fhindula mbudziso u bva kha khethekanyo MBILI fhedzi.			

KHETHEKANYO YA A: NGANEA**MBUDZISO 1: U TSHILA NDI U VHONA – RN Mađadzhe**

Fhindulani mbudziso DZOTHE kha idzo dzi re afho fhasi dzo disendekaho kha nganea ye na guda.

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

DZHIELANI NZHELE HEZWI: Fhindulani mbudziso dzo vhudziswaho dzi no bva kha mafhungo a bugu e na newa, MBUDZISO 1.1 na MBUDZISO 1.2.

1.1 TSHIBVELEDZWA TSHA A

'Inwi Mpho ni a bora.'

Fhongo ili Maria, Mpho lo mu wana a songo li lavhelela.

'Ndi bora ngani Maria?' 'Inwi ngoho ni a bora, a ni vhuyi na fhisa.' Mpho o ri u pfa fhungo ili, a zwi divha uri Maria u khou amba mini. A thoma u takala na zwenezwo.

5

'Naa zwino o no vha afhio? No tou da u mmbudza zwenezwo?'

'Ni khou toda ndi tshi tou bula ndi wa musidzana?'

Maria u ralo a tshi khou nweiwela, a dovha a isa phanda.

'A thi ri hu pfi khuhu ya phambo a i imbi mutsho!'

Maria u ralo na ala mano awe matshenatshena a tshi vhonala a tshi tou vhangama. 'Zwi na mini? Bulani! Ano mađuvha a hu tshe na u pfi gukulume kana phambo. Ngauri ni khou nkombetshedza uri ndi bule, ndi do bula. Mpho!' 'Ni tshi tou ntsedzavho sa musidzana, ni mmbona hani?'

10

'U amba ngoho zwi a tshidza Maria, nne ndi ni vhona ni musidzana wavhudi nga maanda.' 'Arali zwo ralo, na nne ndi pfa ndo takala nga maanda. Tshiniwe hafhu ndi tsha uri ndo da u ni ramba uri ...' 'Nne zwa u ya phathini a thi pfani nazwo.'

15

'Inwi ni khou dinwa nga u nnzhena hanwani. Nne a thi khou ni ramba u ya phathini lini. Ni khou rambwa nga nne.'

'Ndi khou rambwa nga inwi?' 'Ndi khou ni ramba uri matshelo ni de nduni yanga ri le rothe zwiliwa zwa nga madekwana.'

20

1.1.1 Ndi nnyi a no pfi u a bora mafhungoni e na vhala? (I)

1.1.2 Ndi tshini tsho tanganyaho Mpho na Maria? (I)

- 1.1.3 Talutshedzani uri ndi ngani Maria o dibvisa kha Mashudu nga zwi^ñuku nga zwi^ñuku. (2)
- 1.1.4 Ndi mini tshi sumbahō uri Maria ndi phiranawe? (2)
- 1.1.5 Sumbedzani mathomo a nganea iyi. (2)
- 1.1.6 Muanewa mulut^ñanyi ndi nnyi buguni iyi? Tikedzani phindulo yan^ñu. (2)
- 1.1.7 Nangani phindulo yo teaho kha mutevhe wo nekedzwaho.
 Kha nganea iyi khotsi a Phopi ndi Vho ...
 A Liedza.
 B Ravhutsi.
 C Maano.
 D Aifheli. (1)
- 1.1.8 Masiandaitwa o vhaho hone kha Dzwaini na Dugudzha nga murahu ha u funesa tshelede ndi afhio? (2)
- 1.1.9 Ni vhona tsheo ya khothe kha Mpho yo tea naa? Tikedzani phindulo yan^ñu. (2)
- 1.1.10 Arali no vha ni shaka kana khonani ya Mpho no vha ni tshi do mu eletshedza zwifhio malugana na u thogomela mushumo wawe? (2)

NA

1.2 TSHIBVELEDZWA TSHA B

'A hu na tshe nda ita. N̄ne ndo mangala Mashudu na mufumakadzi wanga vha tshi shavha.'

'Mufumakadzi wañu o shavhela ngafhi?'

'O shavhela ha vhabebi vhawe.'

'Zwenezwo, zwa itisa zwauri inwi ni tode u liphedza, a si zwone?'

5

'Hai, n̄ne a tho ngo todou liphedza. Ndō zwi ðivha zwauri arali muthu a sa u funi, u nga si kone u mu kombetshedza uri a u fune. Fhedzi nge musadzi wanga nda vha ndi tshi mu funa, ndo mu tevhelela ha vha hawe. U swika zwino ndi tshi farwa, ro vha ro dzula li la maladze. Arali ho vha hu u toda u liphedza, ndi musi na musadzi wanga ndi songo mu tevhelela.'

10

'Muhañuli, mbudziso dzone a thi tshe na.'

Khothe yo mbo ði ya u awela.

Musi khothe yo no dzula nga murahu ha tshifhinga tsha u awela, muhañuli o do hañula nga ndila i tevhelaho, 'Ndi tshi sedza zwe vhutanzi ha tshimbilisa zwone, na u sedza hafhu uri muvhuso wo kundwa nga u sumbedza hu si na u kanakana zwauri muhwelelwa ndi ene o vhulayaho Mashudu, ndi vhona muhwelelwa a si na mulandu na muthihi. Kha a vhofhololwe zwino. Nndaa.'

15

1.2.1 Muthu wa munna o shavhaho mafhungoni aya ndi nnyi? (1)

1.2.2 Ndi tshini tsho itaho uri Phophi a ye ha hawe? (2)

1.2.3 Sumbedzani zwi no khwathisedza uri Phophi na ene u tshila sa vhaiñwe vhathe siani la ndifhedzo. (2)

1.2.4 Talutshedzani nyito dza Mpho na Phophi dzi no sumbedza uri ndi ngoho vho hangwelana. (2)

1.2.5 Lushaka Iwa khuñano kha nganea iyi ndi lufhio? Tikedzani phindulo yanu. (2)

1.2.6 Buletshedzani uri Maria ndi muanewa wa mvumbo-de. (2)

1.2.7 Mpho ha na ñthonifho. Tikedzani likumedzwa ili nga zwo bvelelaho hayani ha Phophi. (2)

1.2.8 Muhumbulo muhulwane wa u sumbedza vhufarekano ha Maria na Mpho ndi ufhio? Tikedzani phindulo yanu. (2)

1.2.9 Arali no vha ni shaka kana khonani ya Phophi no vha ni tshi nga mu khoda kha zwifhio no sedza vhudifari havhudzi khae. (3)

MBUDZISO 2: HO DINA ONE – S Mbedzi

Vhalani mafhongo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

DZHIELANI NZHELE HEZWI: Fhindulani mbudziso dzo vhudziswaho dzi no bva kha mafhongo a bugu e na newa, MBUDZISO 2.1 na MBUDZISO 2.2.

2.1 TSHIBVELEDZWA TSHA C

'Uyu u do ni vhudza mini o shavha tshikolo. Ndi ngazwo na ifa lawe a songo ita tshithu ngalo. Muthannga ndi mbudzi hoyu.'

O ri a tshi tou ralo Osbon a mbo di kwama thoho ya Ngeletshedzo nga munwe wa musumbavhaloi. A takuwa o vhila vhukuma. Na u sinyuwa hawe, o ri a tshi humbula u dobana na Osbon a zwi elelwa uri ene u tou vha lusunzi kha ndau. Vhothe vha a zwi divha uri Osbon zwa mavili u a zwi funa nahone a dovha a zwi kona. O mbo di dovha a dzula fhasi milomo i vhumbedumbedu. 5

'O, ndi litshe u amba ngoho i re khagala, hoyu o tou dzula nthha ha lupfumo ngeno a tshi khou tambula. U sa funzea zwi a tungufhadza ngoho.' O ri u ralo Osbon a lavhelesa Ngeletshedzo lwa u mu pfela vhutungu. Ngeletshedzo o mbo di takuwa a tuwa a songo tsha amba tshithu. 10

'Ai, ni khou tuwa nga nthani ha nyambo ya uyu na Ngeletshedzo, hoyu ndi mpengo wa shango.'

U khou ralo Musuku o lavhelesa Ngeletshedzo we a tuwa a songo tsha sedza murahu. 15

- 2.1.1 Ndi nnyi o no pfi o shavha tshikolo mafhungoni aya? (1)
- 2.1.2 Ndi tshini tsho tanganyaho Ngeletshedzo na Osbon? (2)
- 2.1.3 Talutshedzani tsho tungufhadzaho Ngeletshedzo kha nyambedzano yawe na Osbon. (2)
- 2.1.4 Ndi mini tshi sumbedzaho uri Ngeletshedzo u a ofha Osbon? (2)
- 2.1.5 Sumbedzani mathomo a nganea iyi. (2)

- 2.1.6 Tshi no khou vhanga khu^qdano vhukati ha Ngeletshedzo na mme awe ndi mini? (2)
- 2.1.7 Nangani phindulo yo teaho kha mutevhe wo ^qnekedzwaho.
Kha nganea iyi, khotsi a Veronica ndi Vho ...
- A Ramagwedzha.
B Gwede.
C Maboho.
D Olga. (1)
- 2.1.8 Masiandaitwa o vhaho hone kha Ngeletshedzo o vhangwa nga u sa funzea ndi afhio? (2)
- 2.1.9 Ni vhona zwa musi Ngeletshedzo a tshi ^qdifanyisa na lwanzhe zwo tea naa? Tikedzani phindulo yan^q. (2)
- 2.1.10 Arali no vha ni mu^qnwe wa vhabindudzi kana vhoramabindu no vha ni tshi ^qdo eletshedza Ngeletshedzo zwifhio siani la vhubindudzi? (2)

NA

2.2 TSHIBVELEDZWA TSHA D

O ri u dzhena goloi ya takuwa sa tshidumbukwe. Ha mbo vulelwa muzika dza pohoshana. Vhuraru havho vho vha vho sedza bada fhedzi ngeno milomo yo valwa. BMW yo dzhena Soweto lo no tou dzhena nga thavha. Yo ri u swika muđini vha tsa. Ngeletshedzo a shuma u sala murahu ha vhala vhathannga. A swika a dzeniswa kha luriwe lufhera lwe a ri u dzhena a wana ho dzula vhathu vhavhili. Ho vha hu Zakes na Sibongile. Ngilasi mađoni iteli ndi mulayo. O mbo di sumbedzwa ha u dzula a dzula. 5

Zakes: 'Khezwo-khezwo maswuhana, vheiwe tshimbilani ndi sale na ngamula yanga.'

Vhathannga vha ita ngafhadzo vha bva vha ḥuwa. A ene Zakes a tshi amba 10 na Sibongile nga Tshizulu:

'Hafhu dzina ndi nnyi la ngamula?'

'Ndi Ngelotshedzi Gwede.' U khou ralo Sibongile a tshi khou tou vhala kubammbiri.

'Gwede, no swika fhano munna wa hashu. Vha hu divhaho vhe ḥama a i 15 fheli hu fhela mađo a munna. Vha khou pfa musi?' U khou ralo Zakes a tshi ngaria Tshivenda.

'Ee ee, ndi khou zwi pfa.' Ndi Ngeletshedzo a tshi ita na u tendela nga thoho.

'Ndo zwi pfa uri vhone vho fhuriwa tshelede i si na vhukono. Zwino hu do 20 ri hu tshi khou dzudzanywa mafhungo avho vha vha vha tshi khou shuma na riñe. Vha na thanziela ya u reila musi?'

Ndi Zakes we a ralo.

- 2.2.1 Dzina la goloi yo shumiswaho afho mafhungoni ndi lifhio? (1)
- 2.2.2 Ndi tshini tsho swikisaho Ngeletshedzo Soweto? (2)
- 2.2.3 Sumbedzani zwi khwathisedzaho uri Veronica u a fhura naho e mufumakadzi? (2)
- 2.2.4 Talutshedzani nyito dza Bra Zakes dzi no khwathisedza vhuvha hawe vhu si havhuđi. (2)
- 2.2.5 'Ho dina one', ndi dzina la nganea, li bviselani khagala uri ndi madithude e a dina? (2)

- 2.2.6 Buletshedzani uri Veronica ndi muanewa wa mvumbo-de? (2)
- 2.2.7 Ngeletshedzo ha ngo talifha. Tikedzani likumedzwa ili nga zwo bvelelaho buguni. (2)
- 2.2.8 Muhumbulo muhulwane wa u shumisa Veronica kha u fhura Ngeletshedzo tshelede i si na vhukono nga ndila i leluwaho ndi ufhio? (2)
- 2.2.9 Ni vhona tshikwekwe tshe Ngeletshedzo a lukelwa nga Bra Zakes tsho tea naa? Tikedzani phindulo yanu. (2)
[35]

THANGANYELO YA KHETHEKANYO YA A: 35

KHETHEKANYO YA B: DIRAMA

Fhindulani mbudziso DZOTHE kha idzo dzi re afho fhasi dzo disendekaho kha dirama ye na guda.

MBUDZISO 3: FINDINKODO – TT Muda

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

DZHIELANI NZHELE HEZWI: Fhindulani mbudziso dzo vhudziswaho dzi no bva kha mafhungo a bugu e na newa, MBUDZISO 3.1 na MBUDZISO 3.2.

3.1 TSHIBVELEDZWA TSHA E

MUTHUMUKHULU:	Vho De Wit vho vhuya vha nnduma ndevhe nga mafhungo a u do litsha u shumisana na riñe kha muvhuso wa mbuelano ya lushaka.	
SKOSANA:	Mulandu?	
MUTHUMUKHULU:	Vha ri a vha vholi vha tshi nga nekana tshanda na riñe ngauri vha pfa vha sa vhofholowi. Tshiniwe hafhu, vha ri vha toða u fhañta lihoro la Lushaka vhe nnda ha khoro dza phalamennde.	5
DUMA:	Aya ndi maswa.	
SKOSANA:	Nñe a thi vha vholi mulandu havha vhanna, nga maanda arali polotiki yavho i ya u fhañta hu si u thutha. Arali polotiki yavho ya nga ya Kapa Vhukovhela, ine ya vha ya phurophaganda ya 'swaart gevaar' afho a ri nga andani.	10
DUMA:	Vhanna, ri fanela uri ri thanye ri vule maþo. Havha vhanna vha vholi u nga vha nga tanzwa nguvho dzavho dzo donaho.	15
MUTHUMUKHULU:	Nñe a thi na ndavha na zwinzhi, tenda vharema vha dzula vho vhofholowa, vhe na pfanelo dzoþhe dzo vha teaho.	20
DUMA:	Vhaniwe vhathu vha vholi vho tshinya avho madzina buguni dza divhazwakale, zwino vha vho toða u penndulula vhuada he vha ita nga pennde ntswa.	
SKOSANA:	Ndi vhone vho ðaho na 'apartheid'. Ro ligi ri tshi tambula ri si na ndaka, ri si na shango, ri si na mulomo nga phula shate-shate. Ndila ya hone i yeneyi nthihi ya u panga vhathu dzhele tshitangadzimeni hangei.	25
DUMA:	Hu tou nga vho humbula uri vharangaphanda vhashu vha do hangwiwa vha fhedza vho fela dzhele.	30

- 3.1.1 Ndi nnyi o sevhelwaho mafhungo mafhungoni aya? (1)
- 3.1.2 Mafhungo a bugu iyi a khou bvelela nga tshifhinga tshifhio? (1)
- 3.1.3 Bulani mahoro mavhili a re muvhusoni. (2)
- 3.1.4 Ndi phurophaganda ifhio ine ya do fhambanya vharema na vhatshena? (2)
- 3.1.5 Vho De Wit vha vhonala vhe muanewa wa mvumbode? (2)
- 3.1.6 Kha mafhungo a bugu iyi, ndi zwifhio zwi fhambanyaho Muthumukhulu na vha lihoru lawe? (2)
- 3.1.7 Ndi zwifhio zwine vharema vha re muvhusoni vha khou tama zwi tshi bvelela kha vhathu who vha youthelaho? (2)
- 3.1.8 U ya nga Skosana, ndi zwifhio zwe apartheid ya ita kha vharema? (2)
- 3.1.9 Tshituhu tshe vhatshena vha tshi itela vharangaphanda vha vharema ni vhone tsho tea? Tikedzani phindulo yanu. (2)
- 3.1.10 Ni vhone nyito dza vharema buguni iyi dzo bveledza zwivhuya naa? Tikedzani phindulo yanu. (2)

NA

3.2 TSHIBVELEDZWA TSHA F

MUTHUMUKHULU:	Kha muvhuso une wa do vha hone mirwaha miraru idaho, Phuresidenthe wa shango u do vha na mufarisi muthihi, a vha tsha do vha vhavhili.	
DE WIT:	Riñe ilo a ri imi nalo. Ri vhona li sa do fhaña lushaka, li do hudza dziphambano vhukati ha lushaka, 5 khwinę ndi musi vhathusaphuresidenthe vhe vhavhili.	
SKOSANA:	Thaidzo ndi ya uri zwi khou durela shango u badela poswo dzi si na mushumo. Miñwe mishumo i khou sokou dovhola ngeno i sa disi mvelaphanda. 10 Phuresidenthe kha vhe muthihi, a vhe na mufarisi muthihi.	10
MUÑWE WA CAP:	Ilo ri ima nalo.	
MUÑWE WA CP:	Na riñe ri ima na la phuresidenthe muthihi na muthusaphuresidenthe muthihi. Kha zwi 15 ombedzelwe kha ndayotewa heyi.	15
COETZEE:	Vhanna, kha ri litshe u ita zwithu ri songo vhuya ra humbula. La phuresidenthe muthihi na muthusaphuresidenthe muthihi a thi imi nalo. Li na vhutudzetudze ngauri muvhuso uyu a u na 20 ndinganyelo ya mihumbulo ya vhathu vho fhambanaho. U do isa phanda na vhufogoli hawo hu si na muñwe a kaidzaho na u sumba ndila dzo peamaho.	20
DE WIT:	Ri khou amba nga 'Checks and balances'. 25	
MUTHUMUKHULU:	A si dimokirasi heyo. Vhathu vha do vhusa nge vha voutelwa nga vhathu. Hezwi zwa u sokou kumedza vhathu zwidulo ngeno vha songo voutelwa zwi khou do fheliswa kha khetho dzi daho.	
DE WIT:	Ndi ngazwo riñe ri tshi ri kha ri tendelwe ri bve 30 muvhusoni hoyu hu tshee na tshifhinga ngauri arali ra twa muvhusoni hoyu, ri do liwa. Vhathu a vha nga ri divhi.	

- 3.2.1 Kha mafhungo e na vhala ndi nnyi ane a khou da na muhumbulo wa muthusaphuresidenthe muthihi? (1)
- 3.2.2 Vhavhusi vha dzudzanya zwithu hu tshe na tshifhinga. Tikedzani fhungo ilo nga zwi re mafhungoni e na vhala. (2)
- 3.2.3 Musi phalamenndeni vho vhofha fhungo lo khwathaho, zwi riwalwa ngafhi uri zwi dzule zwe vhulungea? (2)

- 3.2.4 Khuñano i re hone buguni iyi i khou vhangwa nga mini? (2)
- 3.2.5 Nangani phindulo yo teaho kha mutevhe wo ñekedzwaho.
- U vha na vhathusaphuresidenthe vhavhili zwi do ...
- A thusa shango u bvelela.
 B thusa vhaiñwe u wana tshelede.
 C ñurela shango.
 D takadza mariwe mahoro. (1)
- 3.2.6 Ndi ngani Muthumukhulu a tshi khou vhambedzwa na Murena Yesu? (2)
- 3.2.7 Ni vhona zwine vharema vha khou ita zwa u ñodou dzhena phalamenndeni buguni iyi zwo tea? Tikedzani phindulo yañ. (2)
- 3.2.8 Ndi zwifhio zwine muñwali a tama u ri funza nga mafhungo a iyi bugu? (2)
- 3.2.9 Ni vhona zwe vharema vha vha khou ita musi bugu i tshi fhela zwo tea? Tikedzani muhumbulo wañ. (3)

THANGANYELO YA KHETHEKANYO YA B: 35

KHETHEKANYO YA C: NGANEAPFUFHI

Kha khethekanyo iyi, mbudziso dzo vhudziswa dici tshi bva kha NGANEAPFUFHI dici tevelaho:

- 'WO MU NONELA' – LL Mafenya
- 'NDI A PUTEDZA HA ITEA DEMBE' – NA Milubi

MBUDZISO 4: ZWA VHUTSHILO – NA Milubi na LL Mafenya

Vhalani mafhundo a tevelaho a bvaho kha nganeapfufhi MBILI dze na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

DZHIELANI NZHELE HEZWI: Fhindulani mbudziso dzo vhudziswaho dici no bva kha mafhundo a bugu e na newa, MBUDZISO 4.1 na MBUDZISO 4.2.

4.1 'WO MU NONELA' – LL Mafenya

TSHIBVELEDZWA TSHA G

Mafhundo o khakhea musi hu tshi swika vhana vha muvhundu wa hawe vha tshikolo vho da u dala hafha fhethu. Kana vhatheku ku no ri u vhonwa zwi a vhonwa zwi ila u ambwa vha tou sa ku divha. Vharwe thingo vho rwa dici tshi ya hayani. Na kha ene muñe Humbulani lwo swika.

Vhe musadzi u kha zwihulu. Na musi hoyu a tshi founa nga madekwana ha ngo vhuya a nga o pfa tshithu Humbulani. O vha o dzika a tshi nga mutuku. Musadzi u khou amba zwa tshituvho tshine a vha natsho uyu a sa vhuyi a nga hu na zwinwe zwe a pfa lini. O di vhuya a vhuya a sa humbuleli tshithu Thathani. Nyambo ya munna i di vha yeneila ya maduvha ya lufuno.

5

10

Khoyu Humbulani afha vhukavhamabufho ha Kapa. O swika nga tsha vhukoma. U khou fara lenelia, u shonolola phombwe ndi u tou ya malaloni. U a mu divha Thathani, o thanya lune a sa tou mu wana a hu lugti tshithu. Zwino u do mu tala a sala a si na tshe a fara. O kondilela ndi zwone.

15

Hafhu na zwila zwa Isiraele o di zwi pfa a kondilela. Zwino hezwi u vho ofha uri zwi do disa lufu lwave. Tenda mafhundo othe a uri vha dzula ngafhi o no a pfeledza. Na hezwi a tshi nanga bufho li no do swika vhusiku o itela uri a tou wana nwongo wa mafhundo.

- 4.1.1 Ndi vhafhio vhe vha vha vhe kha madalo? (1)
- 4.1.2 Musadzi ane a khou ambiwa afha ndi nnyi? (1)
- 4.1.3 Ndi zwifhio zwe Humbulani a vha a tshi khou $\hat{t}\hat{o}\hat{d}\hat{a}$ u wanulusa nga mufumakadzi wawe? (2)
- 4.1.4 Ndi ngani muniwali o shumisa \hat{l} ifanyisi: 'o vha o dzika sa mutuku,' mafhungoni e na vhala? (2)
- 4.1.5 Mufumakadzi wa Humbulani ndi muanewa wa mvumbo- $\hat{d}\hat{e}$? (2)
- 4.1.6 Ndi ngani mufumakadzi wa Humbulani o vha a tshi bva nyendo a si na munna wawe? (2)
- 4.1.7 Tshi itisaho uri Humbulani a \hat{q} amele bufho \hat{l} a nga madekwana ndi mini? (2)
- 4.1.8 Ndivho ya nganeapfufhi iyi ndi ifhio? (2)
- 4.1.9 Ni vhona u nga ndi ifhio thuso ine mufumakadzi wa Humbulani a tea u i wana malugana na zwiito zwawe? (3)

NA

4.2 'NDI A PUTEDZA HA ITEA DEMBE' – NA Milubi

TSHIBVELEDZWA TSHA H

Vha mbo \hat{d} i monisa khii, vothi \hat{l} a vulea. Vha dzhena vha \hat{l} i vala zwavhu \hat{d} i vha sa vhuyi vha ita phosho. Vha dzenisa khii vhe ngomu, vha monisa, ha vha u khia. Vha ima vha sedza, vha wana ho tou bobobodo nga swiswi. Vha \hat{q} angavhedza vha swika vha dzhena rumuni ya u edela. Vha vula xaradeni zwitukut \hat{u} ku uri vha kone u vhona zwavhu \hat{d} i zwa nn \hat{d} a. Vho no ita ngauralo, vha mbo \hat{d} i dzula henefha \hat{t} hodzini ya mbete, mat \hat{o} ngeno o \hat{d} i talela ngei nn \hat{d} a.

5

Zwenezwo vha vhona goloi mavhone zaa ... ya \hat{d} a ya ima henefha phanda ha mat \hat{o} avho. Vha vhona vhatu vha tshi kwambatelana vha mbo \hat{d} i lumelisana nga meme dza mulomo. Vha dovha vha dovha hafhu. U fhedza uyu wa mufumakadzi a vula vothi, vha tshi sedza vha wana a hu na zwi \hat{n} we, ndi Narina musadzi wavho. Vha mbo \hat{d} i bwela tshifha \hat{u} tuwo tshavho zwandani vha sedza fhasi.

10

Zwothe zwe thoma sa madze. Havha Vho Gideon Dimbalala vho di vhudza mufumakadzi Vho Narina zwauri vhone vha khou ya mitanganoni 15 ngeyo-ngeyo.

Vha ri arali hu u vhuya vha do vhuya nga Swondaha. Mufumakadzi ndi u vha longela zwothe zwe fanelaho. Nangoho vha la vha dzhena goloini vha ditutshela.

- 4.2.1 Ndi kхиide i no khou ambiwa ngayo afho mafhungoni? (1)
- 4.2.2 Ndi zwifhio zwi no sumba uri vhane vha khou dzhena nduni a vha tod i u ita phosho? (2)
- 4.2.3 Tsho itisaho uri Vho Gideon vha vule xaradeni ndi mini? (2)
- 4.2.4 Muanewa dendele wa nganeapfufhi iyi ndi nnyi? Tikedzani phindulo yanu. (2)
- 4.2.5 Ndi zwifhio zwi sumbahuri Vho Gideon vho pfa zwiwe nga ha mufumakadzi wavho? (2)
- 4.2.6 Muwali u khou todou bvisela khagala zwifhio nga kutshilele kwa Vho Narina? (2)
- 4.2.7 No vhala nganeapfufhi iyi, Nora ndi ene mulutanyi. Tikedzani phindulo yanu. (2)
- 4.2.8 Muthu a no nga Nora u a wanala naa vhutshiloni? Tikedzani phindulo yanu. (2)
- 4.2.9 Arali no vha ni kha nyimele ye Vho Gideon vha tangana nayo, no vha ni tshi do ita mini u tandulula thaidzo iyo? (3)

THANGANYELO YA KHETHEKANYO YA C: 35

KHETHEKANYO YA D: VHURENDI***SHOTHODZO – TN Pholi NA TK Mkansi***

Kha khethekanyo iyi, mbudziso dzo vhudziswa dici tshi bva kha ZWIRENDO zwi tevhelaho:

- 'MBINGANO' – TN Pholi
- 'SA MUSADZI' – TK Mkansi

DZHIELANI NZHELE HEZWI: Fhindulani mbudziso dzo vhudziswaho dici no bva kha mafhungo a bugu e na newa, MBUDZISO 5.1 na MBUDZISO 5.2.

MBUDZISO 5

5.1 Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

MBINGANO – TN Pholi

- 1 Thi lali nda ni humbula,
- 2 Zwanu zwithavhi ndi zwanga,
- 3 Dakalo ndi tshītahe ni siho,
- 4 Mapwali na mapwapwalala lufherani.
- 5 Mbingano a si mafhāta na miloro,
- 6 Zwi a ila u i fanyisa na mutambo,
- 7 Ya vha miloro i a swa ha sala miora,
- 8 Mudavhi wa mbingano ndi mbilu,
- 9 Vhatambi ndi lufuno na u kondelana.

- 10 Vha tanganelanaho mbinganoni,
- 11 A vha fhambanywi nga vha mitanganozwitshele,
- 12 Vha a kuvhatedzelana zwitshimbili,
- 13 Vha thathedza vhōthe muthuthi,
- 14 Muhumbuloni vho vhofhekanywa nga pfundomulalo.

- 15 Munna ha na nn̄du, nn̄du ndi ya mufumakadzi,
- 16 Mufumakadzi ha na mūdi, mūdi ndi wa munna,
- 17 Mūta ndi wa vhōthe sa mūtangano,
- 18 Nwananga haho, a re hone ndi nwanashu,
- 19 U hanedza ndi u shaya mbingano vhuluvhini.

5.1.1 U ya nga vese/mutaladzi 1, ndi zwifhio zwine zwa ita uri murendi a si edele? (2)

- 5.1.2 Bulani zwivhili zwine mbingano ya sa fanyiswe nazwo u ya nga murendi. (2)
- 5.1.3 No sedza vese/mutaladzi 9, ndi ngani ho shumiswa 'lufuno' na 'u kondelelana'? (2)
- 5.1.4 Vese/Mutaladzi 13 u khou ombedzela zwifhio? (2)
- 5.1.5 Talutshedzani zwine vese 12 kha ndima/tshitanza 2 ya amba zwone. (2)
- 5.1.6 Khaesura yo shumiswaho kha vese/mutaladzi 18 i khou shuma mini? (2)
- 5.1.7 Nwalani tshikimu tsha raimi tsha tshitanza/ndima 2. (2)
- 5.1.8 Muhumbulo muhulwane zwi tshi elana na ndila ye murendi a bveledza vese/mutaladzi 17 na 18 ndi ufhio? (2)
- 5.1.9 Ni a tendelana na murendi nga zwine a khou amba kha tshitanza/ndima 2? Tikedzani phindulo yanu. (2)

NA

- 5.2 Vhalani tshirendo tshi tevhelaho uri ni ḫo kona u fhindula mbudziso dzo disendekaho khatsho.

SA MUSADZI – TK Mkansi

1 Sa musadzi wo ḫoka midzi mavuni,
 2 Matavhi a takala nga vhuvha hau,
 3 Mat̄ari a fhefhed̄a nga dakalo lau,
 4 Mitshelo, u bveledza ya fusha tshitshavha,
 5 Thumbu yo fura mainda.
 6 Sa musadzi wo dziba.
 7 Uri shango li songo thengathenga,
 8 U balamutshenzhe nga husili.
 9 Mimuya na u vhudzula hani,
 10 I mangadzwa nga vhuvha hau.
 11 Pharani dza matombo u a manyuludza,
 12 Ho omaho na hone, u a phuletshedza,
 13 U tshi lilela mat̄ari u titima,
 14 U tshi lilela mitshelo u rothisa nthe.
 15 U fhasi mavuni, sa vha kale vha re fhasi,
 16 Fhedzi u shaea hau,
 17 Ndi zwililo na u shenganya mano,
 18 Mat̄ari a puta nga u ḫavha halo,
 19 Mitshelo ya moda i sa athu u swika.
 20 Ha vha zwililo shango lōthe,
 21 Vhumatshelo, ha dimuwā sa murongwe,
 22 Ndala ya kora i songo kora,
 23 Ha fhisa ha shaya na murunzi,
 24 Ngauri u musadzi sa mudzi u wa ndeme.
 25 Ngauri musadzi sa mudzi u wanala fhasi mavuni,
 26 Sa musuku u vhonalaho vhudi, nge wa penyiswa.
 27 Zwi tshilaho zwi khana nga vhuvha hau.
 28 Zwi wana vhutshilo nge wa diita tshithavhelo.
 29 Ngauri u musadzi, sa mudzi u wa ndeme.

- 5.2.1 Topolani maipfi o shumiswaho kha vese/mutaladzi 1 a sumbedzaho u ima wo khwaṭha? (1)
- 5.2.2 Ndi zwifhio zwi no khou ombedzelwa kha vese 2–3? (1)
- 5.2.3 Figara ya muambo yo shumiswaho kha vese/mutaladzi 2 ndi ifhio? (2)

- 5.2.4 Thounu ya tshirendo itshi ndi ifhio? Tikedzani phindulo yanu. (2)
- 5.2.5 Mutevhetsindo wa tshirendo itshi ndi ufhio? Tikedzani phindulo yanu. (2)
- 5.2.6 Talutshedzani zwine vese/mataladzi 11–12 ya khou amba zwone. (2)
- 5.2.7 Nangani phindulo yo teaho kha mutevhe wo nekedzwaho.
'Mimuya' kha vese/mataladzi 9, yo imela ...
 A musadzi.
 B thaidzo.
 C mvula.
 D zwithu zwavhuđi. (1)
- 5.2.8 Ipfi titima kha vese/mataladzi 13, li bvisela zwifhio khagala? (2)
- 5.2.9 Ndi zwifhio zwine zwa khou khwathisedzwa kha vese/mataladzi 22? (2)
- 5.2.10 No disendeka kha tshirendo, inwi ni vhona musadzi e muthu wa ndeme tshitshavhani? Tikedzani phindulo yanu. (2)

**THANGANYELO YA KHETHEKANYO YA D:
MARAGAGUTE:** 35
70